



ادبیات . فنون عسکریه و بحریه .
ونارح و تجارت و زراعت و صنایع
ومعارف و امور نافعه و اکنجه لی فقراندن
باحث مصور جریده دز . هر نوع خصوصیات
ایچون غزته تک مدیری طاهر بکه مراجعت اولنور

Bureaux: 40, rue de la Sublime-Porte,
(Imprimerie Tahir bey) Stamboul.

(ارتقا) تک استانبول و طشره
ایچون بر سنه تک آبوله سی ۳۲
غزوشدر . بوسته بولی مقبولدر .
ضحائی بالجله ارباب قلمه آچیقدر . هر الی قلم
طوتان یازه بیلیر . مرکزی باب عالی
جاده سنده « معلومات » اداره خانه سیدر .

Journal illustré IRTIKA

طشره ده نسخه سی : ۲۰ پاره یه در

شم دیک جمعه کونلری نشر اولنور

استانبول ده نسخه سی : ۱۰ پاره یه در

عطف واسناد اولونمق ایجاب ایدیور .
فیاتلرک یوکسلدیکی شوزمانده ، آو حیوانی
زیاده بطش وعناد ایله ، حتی اگ کیزی یو-
والرینه وارنجه قدر تعقیب ایدلمکده در .
ایروجهده ، بوتون بو حیواناتک اتلافه بادی
اولان موده ، تحولاتی ایله ، موضوع بحث
اتخاذ ایتدکری تشدید ایدیور . برچوق
سین متوالیه انساننده درلو درلو کورککلر
آرامقده در . بالطبع ، برقتل بی امان وقو-
عبولور ؛ بعده ، ذوق عمومی دیگر برنوع
کورکه انحصار ایدرک ، اووقته قدر بلامرحت
اولدیریلان حیوان بر استراحت نسبه قازانیر
و ، بوسکوت و آرام انساننده ، جنسی تکرار
تأسیس ایده بیلیر .

کورک صنعتیه مقتضی بیکارجه دریلری
حاصل ایدن حیوانات هانکیلیر ؟ هانکی
ممالکدن کلیورلر ! هانکی وسائط ایله دردست
وهانکی طریقلر ایله بازار تجارتیه سوق ایدیلور ؟
بزم شمدی تعقیب ایده جکمز فکر بوندن
عبارتدر .

بزم آرقامزه کیرمه دن ، کورکلر اوزون
سیاحتلر اجرا و آوچیلری اگ غدارانه این
و آلام استماعنه مجبور ایدیورلر . بزاسانلر ،
ترین وتلبسمزه مخصوص بوذی قیمت زینتلرک
تدارکی ایچون اورمان قوشوجیلرینک معروض
اولدینی تهلکه لری ، محرومیتلری هیچ دو-
شونه میورز .

بر طرز عمومیده ، دنیه بیلیررکه ، فی
یومنا هذا وجودی نوعا بر پوست ایله
مستور اولان سرسری حیوانات ، آرسلان
طاوشان کی ، مایعون کدی کی ، قوزدکی
زردوا ، صوموزی کی آبی ، منطقه قطیه
حیواناتی حوالی استوائیه نک کیر کی ،
قره ده کی ذات الثریا و ذوال المعیشین حیوانات کی
بلامرحت قتل وتلف ایدیلور .

کورک حیواناتنک دفتر اسامیسی ۴۰۰
اجناس و یا نواعدن زیاده سنی محتویدر .
و ، بوکون موده احتیاجاته الویریشلی کورکلک
حصه سنی تدارک ایچون کافه ممالک جهان
ویرکی یه ربط ایدلشددر ، چین قطعه سی تبت
چیلرینی و سمورلری ، ژاپونیا زردوا و پور-
صوقلری ، جنوبی آمریقا زرهلی کدی یی ،
شیلی و پرو برنوع طاوشانی ، آوسترالی ،
آمریقا و پوسوم *Opposum* نامنده فوق العاده
منتشر برنوع کیسه لی حیوانی اخراج ایدر .
استاتستیکده ، ایکنجی مرتبه یی اشغال ایدر ؛
۱۸۹۸ ده لوندرده ۱۳۰۰۰۰ دن زیاده
دری صایلدی . لکن آمریقای شمالینک
منطقه فوقانیسندن و روسیه امپراطورلغندن ،
باشلوجه سیریلان دریلرک قسم اعظمی وعینی
زمانده اگ مقبول واک قیمتدار اولانلری
ورود ایدر .

بوتون وسعتجه ، بحر محیط کیره قدر ،
بحر منجمد شالینک ساحله بی محصول چولاری
ایله حوالی زراعیه آراسنده ، ایکی دنیانک
اقسام شمالیه سی ، یالکزجه نادراً خیمه نشین
قبائل طرفدن مسکون پایانسز بر اورمان ایله
مستوردر . بوشیل صحرا دنیانک آو حیواناتجه
اگ کثرتلی ناحیه سی ، اگ رعنا کورکلر
مملکتی در . بوتون بوساحه جسمیه که وسعتی
کرات ایله اوروپانک کنی مرور ایدر - اوزرنده
تقریباً عینی اجناسه تصادف اولونور ، فقط هر طر-
فده آنلر عینی اوصافه مالک دکلردر . مثلاً یالکز
شرقی سیریا ، قامچاقا و شمالی چین کوزل
سمورلر حاصل ایدرلر ؛ حالبوکه آلسقاند
اخذ ایدیلن عینی بو حیوانات پک آرمقبولدر ،
کورکلر ، شرابلر کی تراید ایده کلکده در .
اگ قیمتیلری ، اگ صوغوق ممالکدن کلیر ؛
فضله اوله ورق ، فوق الحد شدتلی قیش زمانلرند
دریلرک اوصاف حسنیه مالک اولدقلری
اشعار ایدلشددر آلاق درجه حرارتلر کورکلرک
قدر واعتبارینی تعدیل ایدرلر ..

مسعود رمزی



باغچوانلق عملیاتی

سبزه زراعتی اصول ثلثیه منقسمدر .
اولکیسی زراعت طبیعیهدر . ایکنجیسی
قبل المومم زراعت اصولی در .

سبزه لر ، مواسم معتاده و معینه سنده
زرع وغرس اوله ورق عملیات طبیعیهدر و ضرور-
ریه دن ماعدا فوق العاده واسطه واعتنایه
محتاج اولقسنزین محصول ادراکی مقصود
اولدقده زراعت موسمییه یا خود زراعت
طبیعیهدر اصولی اجرا اولنور . اکر کوبره
یتاقلری ، باغچوان جامکانلری و جاملی قیاقلر
وامثالی وسائطک استعمالی ایله محصولاتک
موسمندن اول ادراکی مطلوب ایسه قبل-
الموسم زراعت اصولی اجرا ایدیلور . سبزه-
لر ، عکسی موسمده ، کرک کوبره یتاغی
و کرک جامکان التنده صنعی حرارت واسطه سیله
یتشدیرلده استعمال اولنان اصول زراعتیه
زراعت جبریه اصولی دینور .

باغچوانلغه عائد عملیات مختلفه نک بعضیلری
بالاده ذکر وتعداد اولنان اصول ثلثه زرا-
عتک جمله سنده علی السویه جاریدر . مثلاً
تخم و نباتات زرع وغرسی یا خود نباتاتک
برمحلدن چیقاریلوب دیگر محله نقل وغرسی
عملیات عمومیهدندر . عملیات سائریه کلنجه:
مثلاً کوبره یتاغی تشکیل قبل المومم زراعت
اصولنه متعلقدر . عملیات مختلفه نک اگ زیاده
عمومی اولنلرندن بدأ ایله هر بری حقنده
بربرینی متعاقب معلومات محله اعطاسی
مناسب کورلدی .

نطس عملیاتی

سبزه زراعتنده نطس عملیاتی اکثر یابل ایله
اجرا اولنور . بو عملیات کوزلجه اجرا اولنلق ایچون
آلت حفریه ، (۳۰-۱۵) سانتیمتره درینلکنه
قدر نفوذ ایتک لازمدر . اثنای حفریاتده
چیقاریلان طوپراق دخی دائماً الت طرفی
اوست طرفه کله جک صورتده چویرملک
اقتضا ایدر . وقتاکه بر طوپراقده سبزه
و حبوبات زرع وغرس اولنلق ایستندکده ،
اول امرده نطس عملیاتی اجرا ایدلمک لازمدر .
طوپراق دروننده تکرر ایتیمه جکته
قناعت حاصل اولان اوتلر ، نطس عملیاتی
انساننده طوپراغه کومیلور . لکن طوپراق
ایچنده قابل تکرر اولان اوتلرک آیقلاقمسینه
دقت ایتیلیدر . صوک بهار نهایتنده ، قیش
ابتداسنده ، نطس عملیاتی انساننده طوپراغه
قوت و یریحی ماده لر ، دریجه کومولمک ایجاب
ایتمز زیرا سبزه لرک کوکلری طوپراغک منبت
قسمنه واصل اوله مدقلری تقدیرده کوبره
وامثالی قوتلی ماده لر دن ثمره نافعده حاصل
اوله ماز .

طوک وقوعندن صکره نطس عملیاتک
اجرا سندن اجتناب ایتک لازمدر . چونکه
طوپراق سرتلشهرک لایقوله مزج و تقسیم
ایدلمک ممکن اوله ماز . کذلک شدتلی یریاغور
نزولندن صکره ده طوپراق پک زیاده چامور
حالنده اولدیغندن نطس عملیاتی صعوبتلی اولور .

تخم زری

سبزه یتشدیرمک ایچون اگ زیاده مستعمل
اولان طریق ، تخم زرعیدر . تخمملرک زری
قیش شدتلی اولمادینی تقدیرده شباط آئنده
اجرا اولنور . لکن بو برقاعده قطعیه حکمتمده
دکلدر . زیرا بعض سبزه لر قیش ابتداسنده
زرع اولنور . ایلمک بهارده زری ایجاب
ایدن تخمملرک یتیمسی اوزون وقته محتاج
اولدقده کانون اولده زری ده مناسبدر .
چونکه ده ایرکن زرع اولدینی تقدیرده ،
شتانک حلولندن اول فلز سورده جکندن ،
اوحالده تازه فدائلر ایلمک طوکوردن محو
وتلف اولور .

تخمملرک پک کوچوکدر . ده آز طو-
پراق ایله اورتمک ایجاب ایدر . بعض احوالده ،
مزروعات اوزرینه بر مقدار اسکی کوبره
سرمک دخی فائده لیدر . تخمملرک فلز لملنی
تسریع ایتک مطلوب اولدقده ، زرع اولمازدن
مقدم ، برطوبه ایچنه وضع اوله ورق بر آز
وقت صواچنده طور دیریلوب ایصال دلمسی
مناسبدر .

تخمملرک زری مختلف صورتده اجرا
اولنور . اگ ساده اصول ، تخمملری اله
طوتوب ممکن اولدینی مرتبه ضرورت منتظمده

طوپراغه آتمقدن عبارتدرکه بوکا تخم صاحبی
تعییر اولنور . بو عملیات علی السویه ایکی دفعه ده
اجرا اولنور یعنی تخم زرع ایتک ایچون
باغچه نک برجنس سبزه زرعه مخصوص اولان
قارشولقلی ایکی کناری اوزرینه متوالیاً
کیدوب کله رک ، هر دفعه سنده تخمی مناصفه
صاحبی لازم کلور ایشته بووجهله تخمملرک
ککید ویولاره آتمسینه میدان قالماز .

تخمملرک ایوجنسندن اولدیغنه امنیت
اولنور سه ممکن اولدینی مرتبه قوتلی سبزه
فده سی استحصالی ایچون تخمملری سیرک
صاحبی لازم کلور . سیرک زرع اولدینی حالده ،
حقیقان فلزلر پک صیق اولور سه ضعیف
و قوتسز اولنلرک کوزلرینی چیقاره رق
دیگر لرینک سربستهجه نشو و نما بولمیری
تسهیل ایتک اقتضا ایدر . علی السویه تخمملر
بر آز ایچنه قوم قارشیدیرلده پک صیق تخم
صاحلمسی منع ایدلمش اولور .

تخمملر زرع اولدقندن صکره ، باغچوان
طراغی ایله قارشیدیریلوب کورک یا خود طراق
صیرتی ایله طوپراغک اوستنه باصیلور . لزوم
کوریلور ایسه صولانور .

تخم زرع ایتک ایچون جاری اولان
اصولک بری دخی ایپ واسطه سیله تعیین
اولنان خطی تعقیماً چاه ایله کوچوک اولکلر
آچیلوب انلرک ایچنه تخمملر وضع اوله ورق
طوپراق ایله قارشیدیریلوب اورتمکدن عبارتدر .
بر آز وقت صکره ، چاه عملیاتی ایله کوزلجه
وقولایجه اجرا اولنور . دیگر بر اصول دخی
چاه ایله کوچوک دیکلر آچیلوب ایچلرینه
دانه لری بیوک تخمملردن (۵-۲) عددی
وضع اولتمقدن عبارتدر .

نباتاتک یرلرینی دکشدیرمک

نباتاتک یرلرینی دکشدیرمک باغچوانلقدده
الکهم عملیاتدن در . بو عملیاتک اجرایی ،
نباتاتک کولکرنده کثرت اوزره صاچ حاصل
ایتدیرمیوب و بو معامله کوکلری قوتلندیره رک
تخم حالته کتورمکی تأخیر ایتک مقصودینه
میندر ، عملیات مذکوره ، وقتاکه نباتات
بر آز بیویوب بربرلرینه ایراث مضرت ایده
بیله جک برحاله کلدکلری آنده ، یرلرندن
چیقاریلوب دیگر محله غرس ایتمکدن عبارتدر .
بو عملیاتک اجرایی ایچون ، نباتاتک پک زیاده
بیومسینی بکله مک لازم کلر یازیرا اوحالده
نباتاتک یرلرینی دکشدیرمکدن مطلوب اولان
ثمره نافعده آزالور .

تبدیل محل ایده جک نباتاتک غرس
اولنه جقلری طوپراغی اول امرده نطس
ایتمک ، بر آز کوبره یتاغی ایله اورتمک ، هوا
قوراق اولدینی تقدیرده صولامق لازمدر .
نباتاتک یرلرینی دکشدیرمک عملیاتی ایپ ایله
تعیین اولنان خطک صره سبجه اجرا اولنور که

نباتاتك بويته واصل اوله حق يوكسكلكدده ايب اوزادلمشدر . قازيق آلتی واسطه سيله دليكار آچيلور . نباتاتك كوكلى او دليكارك ايچنه وضع اولنور . بعده طوبراق ايله طو- لديريلور . دها صكره صيواريور . نشوونما بولملى امتداد ايدن وابتداي نشوونماده محافظه يه محتاج اولان نباتاتك يرلرني دكشد- يرمك عملياتي صاقسيلر ايچنده و طوبراق قابل دروننده دخي اجرا اولنور .

سابق اورمان ومعادن اداره عموميه باش كاتبي

سرگز اوريليان



{ تاريخ عمومى تربيه اطفال }

محررى : مسعود رمزى

۹

پارسيلىر

(۵۸ نجى نسخه مزدن مابعد)

شوزمانده تربيه عموميه نك تظاهراتي اوزرنده « محيط » دنيلن ميسانه طبيعتك حاصل ايتديكي تاثيرات انقلابيه غيرقابل انكاردر . محيط ، وراثت ايله ، يالكنز تربيه اوزرنده دكل افراد اجتماعيه نك كافه اوصاف وفضائل مليه سى اوزرنده دخي تدقيقه محتاج آثار غريبه حاصل ايدر ؛ بوكي شرائط طبيعى وغير اختياريه نك نفوذني عريض وعميق تحرى ايتك موضوعمرك خارجنده در ، وقتك برمساعده سنده بولنه دائر آروجه برقاچ مقاله يازمق لازمه دندر .

پارسيستانده ، قديم ايرانده حكومت ، تربيه خصوصنده برواسطه اجرائيه وبر مؤثر ايدى .

صور مختلفه آدابى ذكر ايجون فارسيلرك ومديالىلرك داب واعتقادلرينه برعطف نظر ايدلم .

پارسيلىر باشليجه واضع قانون ديانكا- ريسى ، تعليماتى « زند - آوهستا » ناميله برمحله قديمه سنده تعداد ايدن « زردشت » اسمنده بر حكيم ايدى .

زردشت ، قبل الميلاذ يكرمى بشنجى عصرده بر حيات ايدى : روايته نظراً مدياده « رازده » بلده سنده تولد ايتمشدر ؛ يكرمى سنه قدر بر مدت عالم تجروده ياشاد قدن صوكره - بوزمانلر منحصراً سوت وپنير ايله تمدنى ايدرمش - ازلى وابدى بر علويتك ، زروان Zervan نام ذات قدسى صفاتك اولجه تكوين ايتديكي (هرمنز واهرمين) الهلرينك يندن قانون كتسابى ، آوهستاي اخذ ايلدى . [۱]

[۱] آوهستا : بعض فرهنگرك تبسیرنجه حضرت ابراهيم عليه السلامه نازل اولان صحفرك هيئت مجموعه سيدر .

« مزىكى Mazdêiune » دنيلن مذهب جديدى تأسيس ايجون بادييه ي ترك ايتدى . مقديما برچوق مانعه لره هدف اولدى : باقتر (بلخ) ده ، حكمدار هشتاسبك سراينده ، اوتوزى صاغ و اوتوزى صول طرفنده اوتوروب كنديسنه كفر وفسونكارلق ايله اتهامه يلتن آلتش حكماي مغلوب ايتدى . مذهب جديد ، بولنه رغماً كسب قوت ايدرك زر دشت هشتاسي ، حوزه حكومتى ، ملل مجاوره يي طريق موضوعه سوق ايتدى ، لكن كنديسى ده يته خلافيان ايله وقوعه كلن برمحاربه ده تلف اولدى . تأسيس ايتديكي دين قديمك حالا سالكلى واردر : كبر وپارسالر . « آوهستا » ويا « اصلاحات » نام كتابك قسم اعظمى محو اولوب كبرلك النده بوكون « واندبياد » ويا « قانون خلاف شياطين » دن باشقه رساله قالمشدر . كذلك بعض آوهستا پارچه لرى ، مناسك روحانيه ، ادعيه ورسوم دينيه مباحثي باقيدر .

هرمنز (آهورا - مازدا) كافه موجوداتك فوقه اعلا ايدلمش ، امور خيريه وحسنه نك منبى ، حاكم جهان ، قادر كل عد ايديلير ايدى . كنديسى ضياء ، كوش ، آتش تمثاللريله كوستريليروردي .

اهرمين (آغرا - مهنوس) بدايتاً نيك وخوب اوصافي حائز ايديسده بالاخره سائقه حقد وغبطه ايله عالمك باشنه برشرير بي نظير كسيلمش ، هرمنزك توليد ايتكمده اولدينى حسناي اخلاص ايتكمده ايدى . ايلك ياراديلان آدمك - كه آنرك فكرنجه « فر- يدون » در - ذله سنى متعاقب روى ارضه مماتى دعوت ايدن ، زردشتيلرك فكرنجه ، اهرمندر .

ايشته بو ايكي معبود متضادك منازعه سندن دنيا ده فيض وشرت حكمران اولوردي . بعد- الوفات روح ، هرمنز طرفندن ضبط ايديلير واعمال و آثارينه كوره « يزد » ويا « ملك » كروهي طرفندن « جنود : جنبد » دنيلن جسر كيرك ، صراط عظيمك اورته سنده يا برارض سعاده ، برزمين ميمت افزايه سوق ايديلير ، ياخود « ديولر Deves » ويا « ارواح ظلمات : زبائيلر » طرفندن بر مكان هائلده - اوراده كنهالرنن استغفار ايجون - توقيف اولونوردي .

هرمنز واهرمين آراسنده كي مناقشات اون ايكي بيك سنه دوام ايتدكن صوكره عاقبتده خير معبودى مظفر اولاجقدى ؛ ايشته اووقت بعثت اموات وقوعه بولاجقمش ! افاضل و اشرا ، مشتركاً تكرار وجودلرينه ، بنه لرينه متصرف اولاجقلى ؛ لكن اهرمين وتوابي ورطه ظلماته ، جهنمه ادخال ايديله - جكدر . بودقيقه ده ارض زلزله يه دوچار اولاجق ؛ داغلىر ، آتش سيلابه لرى كبي منهدم

اولاجق ؛ روحار بواواج آتشك اورتاسنده موجوديتدن تجر دايدنه جك ؛ اهرمن ، توابي وديولر بالذات هر درلو معاصيدن منز و مبرا ، معصوم اولاجقلىر . كره ارض شائبه سز و بليه سز قالا جقدر : جهان و جهانيان مظهر حيات جاودانى اولمش بولنه جق ؛ هرشى زاهر ، ضيادار ، حيات لاييموثانيه مالك قالا جق . هرمنز بلا حرب و مناقشه يكي كائنات اوزرنده حكمران اولمغه باشلاينجه ، اهرمين ايله آرالرنده بر مخدانت عظيمه تأسيس ايدنه جك : تأليف يينه « مهرا » اسمنده كي معرفت ربا ملكي توسط ايديله جكدر .

آيين دينى ، بالخاصه قبل الفجر تلاوت ايديلن دعالردن وعصر حيات - هرمنزك نمايش ظاهريسي - اولان پرستش ناردن ، كنهالركلق وشائبه لى زمانلرده امنداده يتشوب تنزيه وتبره ايدن لايعد برهيزلردن ، بايراملردن عبارت ايدى .

وظائف آداب و تربيه خصوصنده زند آوهستا عدالت و صداقتى ، استقامتى ، رؤساي امور اطاعت تامه يي بالخاصه حكمدارلره مطاوعتى وهرشيدن اقدام چفتجيك وامر تأهلى توصيه ايديلوردي . بومندرجات ، حقيه تدقيق ايدلده ، جدأ سزاي اقتفا برطاقم مباحث عاليه يي شامل اولدينى تظاهر ايديلور .

زردشت ديوردي كه : « ارض اوزرنده بر سكتانا ايداوب اوراده آتشي ، بهائى ، قاديئى ، چوجقلىرى وسوريلرني محافظه ايدن كيمسه متقى ، ومعزىر آدمدر . »

« طوبراقده برغدا وجوده كتين ، تارلاره ميوه ديكن ، بيك قربان فدا ايتمش جهسنه هرمنز قانون و نظامنده برجاي مفخرت قازانير . » بوسوزلريله زردشت زراعتك اهميتنى ، وسى وغيرتك بوشه كتيه جكنى افهام ايديلوردي .

ايرانلر بعده دها برقاچ مذهب سالك اولديلر :

(۱) جمشيدك طبيعت پرستشدين عبارت « آيين جم » مسلكى ؛

(۲) زردشت ؛

(۳) زنديق ؛ - بو مسلك و ذهاب ساسانيان سلاله سندن شابورك خلفى هرمنز زماننده « مانى زنديق » نام شخص طرفندن ، مذهب مجوسى خلافته ابداع ايدلمش ايدى . لكن بالاخره انتشار ايدمه دى .

(۴) ساسانيانن شاه قباد دورنده ظهور ايدوب اموال وزوجاتك اشتراكى اعلان ايدرك اخلاقه مغايرتى ايله خيلي طرفدار بولان و فقط برچوق سيئاتي موجب اولان بر مذهب (قومونيزم) .

ايرانلر ومديالىلرك بو امور اصيله اعتقاديلى قرائت ايدليكي وقت زردشت قواعد كليهنك برقسى ، اووقلر مدياوبابله

جال اسارتده بولونان يهوديلرك قوانين مذهبيه سى ايله مجاورتده بولندينى تين ايديلور ، بو قواعد كليهمدى - فرس قومك حياتى اوزرنده بر تاثير عظيم اجر ايتدى ، بالخصوصك اطفالك طرز تربيه سنده نفوذدن خالى قالمادى . برپارس چوجنى دوعار دوعماز ، زند آده ستانك احكامنه تبعأ ، تطهيرى ضمانده اوچ دفعه او كوز بولى - غالباً ازاله تعفن ايجون بايليردى ؛ - و بر دفعه صوايله بانو ايتديلركه مجبور طوتيلير ايدى . صوكره برمنجم جلب ايديله رك چوجنك بختى ، كوا بك يكديكرى اوزرينه اجراي تاثير ايتمه سندن متولد حوادث حياتيه سى ، استقبالى تعيين و آكا كوره بر اسم تخصيص ايديلير ايدى . چوجق اوچ ياشنه كيردكن صوكره ، پدى مهرباه بر قربان وقف ايدردى . يدى ياشنه كيرنجه يه قدر چوجق هيچ بر شينه جبر ايدلزدى : ياپدينى هر قالدق ، قبا يلك كافه سى ابوينك حسابنه صايليردى .

شوقظه لر تبع ايدلنجه ، عقائد موجوده بشريت آراسنده كي رابطه تحيفه نك وجودى تظاهر ايديلور !

بش ياشندن اول بريكلر آكا ، كرك ابي و كرك فنا برشى تدريسنه جسارت ايدنه - ميورلردى ؛ تقيدات جسمانيه لازمه ده بر قباخته دوچار اولدقلى وقت (آرتق بونى يامه) افاده سى ايله بر نمونه اعتدال كوسترلردى بر چوجنى سكر ياشندن اول ، مجازات سائره يه غير متحسن قالمق ايجون انسان دو كه مزدي . ابوينه اطاعت مطلقه ، چوجنك وظائف موكله سندن ايدى : اوچ كره اطاعتدن انحراف ايدن بر چوجق شايسته احما ومات ايدى . برشا كرد ، خواجه سى كنديسى روح وفكر جهتدن زير تربيه آلاق اك نجيب بر بار عظيلى بردوش ايتديكي ايجون آكا بوشندن دها زياده احترامه مجبور ايدى پارسيلرك بر كتابندن استخراج ايديلن آتيده كي دعايه نظراً ، استادك پدره اولان بور مجاني مع هذا عموميت اعتباريله طائفا مشدى :

« اى مهرا ! ۳۰ روابط ايله فاضلر ، ۶۰ ايله ارلك وقادين ، ۷۰ ايله شاكرد واستاد ، ۱۰۰ ايله برادرلر ، ۱۰۰۰ ايله پدر وفرزند ، و ۱۰۰۰۰ ايله ملك و حكمدار . »

پيوسته اولدينى امر ايديلور . بورايه قدر سرد ايديلن مطالعات ، مستبان اوليوركه نسيقه روحانيه پارسيلرك آداب عموميه سنده بر نفوذ غالباني حائزدر . بوكيفيت رهايين ، بالخاصه مديالىلر مياننده مرعى اولابيلير . مع مافيه زردشتك وضع ايتديكن ديانت ، بوندن دولاني عمراجماعى ومعيشه مدنيه يه يكي بر مؤثر فير لايتش ايدى :

[مابعدى وار]